

STATUT
I
SHOQËRISË ME PËRGJEGJËSI TË KUFIZUAR

"EM Consulting's"

Në mbështetje të Ligjit nr. 9901, datë 14.04.2008 "Për Tregtarët dhe Shoqëritë Tregtare", - i ndryshuar, Ligjit nr. 9723, datë 03.05.2007 "Për regjistrimin e biznesit" – i ndryshuar, veprimtaria e shoqërisë do të organizohet dhe drejtobet sipas dispozitave të këtij Statuti.

Neni 1
Baza ligjore

1.1 Shoqëria do të zhvillojë veprimtarinë e saj në përputhje me Statutin dhe legjislacionin shqiptar.

Neni 2
Ortakët e shoqërisë

2.1 Ortakët e shoqërisë janë:

- **Z. Fatmir Mediu** shtetas Shqiptar, lindur në Durrës, më datë 21.01.1967, me kartë identiteti me nr. personal G701211390;
- **Z. Even Mediu**, shtetas Shqiptar, lindur në Tiranë, më datë 20.01.1995, me kartë identiteti me nr. J55120001L.

Neni 3
Forma ligjore

3.1 Shoqëria ka formën e "**shoqërisë me përgjegjësi të kufizuar**" ose "**SHPK**". Megjithatë, ajo mund të shndërrohet në një formë tjetër në përputhje me legjislacionin shqiptar.

Neni 4
Kohëzgjatja e veprimitarisë

4.1 Afati i veprimitarisë së Shoqërisë është **i pacaktuar**. Ky afat fillon nga data e regjistrimit të saj në Regjistrin Tregtar të Qendrës Kombëtare të Biznesit.

Neni 5
Selia

5.1 Selia e Shoqërisë do të jetë në adresën: **Rruga "Abdy Frashëri", EGT Tower, Pall. Nr. 17/6, Kat 2, Ap. 1, Tiranë**.

5.2 Shoqëria mund të hapë degë dhe/ose zyra përfaqësie, brenda dhe jashtë territorit të Republikës së Shqipërisë, si dhe mund të marrë pjesë në shoqëri të tjera shqiptare dhe/ose të huaja, që ekzistojnë ose do të krijohen në të ardhmen.

Neni 6
Dokumentet e shoqërisë

6.1 Të gjitha shkresat, formularët e urdhreve apo çdo dokument tjetër korrespondencë, nxjerrë nga shoqëria, degët apo zyrat e përfaqësimit, nëpërmjet përdorimit të letrës ose mjeteve elektronike, të cilat u drejtohen palëve të treta, duhet të përbajnë, përvëç emrit të shoqërisë edhe të dhënët e mëposhtme.

a) numrin unik të identifikimit;

Emin Mediu

Emin Mediu

- b) formën ligjore të shoqërisë;
- c) vendndodhjen e selisë së regjistruar dhe të zyrës qendrore të saj;
- ç) të dhëna nëse shoqëria është në likuidim;
- d) vlera e kapitalit të regjistruar të shoqërisë dhe vlera e pjesës së paguar të kapitalit;

6.2 Nëse shoqëria ka faqe interneti, këto të dhëna duhet të pasqyrohen aty.

Neni 7 Objekti i veprimitarisë

7.1 Objekti i veprimitarisë së Shoqërisë do të jetë:

- ❖ Konsulencë në marrëdhënie të ndryshme biznesi, duke përfshirë por pa u kufizuar në, konsulencë në fushën e investimeve të huaja, investimeve strategjike, investimeve në sektorin e energjisë elektrike dhe atë të rinnovueshme, menaxhimin e biznesit, marrëdhënieve ndërkombëtare.

7.2 Objekti i veprimitarisë së Shoqërisë mund të ndryshohet ose shtohet me vendimin e Asamblesë së ortakëve.

Neni 8 Kapitali themeltar

8.1 Kapitali themeltar i shoqërisë është **ALL 100.000 (njëqind mijë lekë)**.

8.2 Kapitali ndahet në **2 (dy) pjesë/kuota**.

- Ortaku, **Fatmir Mediu**, zoteron **50%** të kapitalit themeltar, ose 1 (një) pjesë/kuotë, me vlerë nominale **50.000 ALL (pesëdhjetë mijë lekë)**.
- Ortaku, **Even Mediu**, zoteron **50%** të kapitalit themeltar, ose 1 (një) pjesë/kuotë, me vlerë nominale **50.000 ALL (pesëdhjetë mijë lekë)**.

Neni 9 Transferimi i pjesëve të kapitalit

9.1 Pjesët e kapitalit themeltar janë lirisht të transferueshme ndërmjet ortakëve. Kapitali themeltar është lirisht i transferueshëm në rast trashëgimie, në rast ndarje pasurore mes bashkëshortëve apo paraardhësve e pasardhësve.

9.2 Pjesët e kapitalit themeltar janë lirisht të transferueshme tek të tretët, qofshin këta subjekte shqiptarë apo të huaj, persona fizikë apo juridikë.

Neni 10 Zmadhimi/zvogëlimi i kapitalit

10.1 Zmadhimi dhe zvogëlimi i kapitalit të Shoqërisë mund të bëhet me vendim të Asamblesë së ortakëve si dhe në përputhje me kërkesat ligjore.

10.2 Ortakët, me kërkesë të thjeshtë të administratorit, në mënyrë unanime dhe në përpjesëtim të drejtë të kuotave që posedojnë, mund të përbushin nevojat financiare të shoqërisë nëpërmjet rritjes së kapitalit ose financimeve (qofshin këto me fitim/interes ose jo), duke respektuar normat e transparencës bankare dhe kërkesat të tjera me karakter fiskal. Rimbursimi i derdhjeve dhe i financimeve te ortakëve mund të bëhet me vendim të ortakëve, siç, me të njëjtat modalitete mund të destinohen për mbulimin e humbjeve eventuale ushtrimore.

Neni 11 Asambleja e Ortakëve

11.1 Asambleja e Ortakëve përbëhet nga ortakët e shoqërisë. Ajo drejtohet nga

administratori i shoqërisë ose nga çdo person tjetër i zgjedhur nga ortakët.

11.2 Asambleja e ortakëve ka këto kompetencia kryesore:

- ndryshimi i dispozitave të statutit,
- zmadhimi ose zvogëlimi i kapitalit,
- emërimi dhe ndryshimi i administratorit, likuiduesve dhe ekspertit kontabël,
- miratimi i shpërblimeve të administratorit, likuiduesve dhe ekspertit kontabël,
- miratimi i llogarive vjetore(bilancit),
- ndryshimi i formës ligjore të shoqërisë,
- mbyllja dhe shpërndarja e parakohshme shoqërisë si dhe të tjera të përcaktuara në legjislacionin shqiptar tregtar në fuqi.

11.3 Asambleja e ortakëve mblidhet të paktën një herë në vit dhe sa herë që duhet të vendosë për çështje të kompetencës së saj. Mbledhja mund të realizohet edhe nëpërmjet video-konferencës.

11.4 Mbledhja e Asamblesë thirret nga Administratori ose nga ortakët që përfaqësojnë të paktën 5% të kapitalit themeltar. Asambleja thirret me anë të një njoftimi me shkrim që u dërgohet ortakëve të paktën shtatë ditë përpara datës së mbledhjes. Njoftimi mund të dërgohet edhe nëpërmjet postës elektronike por në çdo rast duhet të përbajë ditën, orën, vendin si dhe rendin e ditës me çështjet që do të trajtohen.

11.5 Ortakët mund të përfaqësohen në mbledhje nga persona të tjerë, bazuar në një prokurë të lëshuar paraprakisht, prej tyre.

Neni 12 Vendimmarrja

12.1 Në rastin e marrjes së vendimeve që kërkojnë një shumicë të zakonshme, asambleja e ortakëve mund të marrë vendime të vlefshme, vetëm nëse marrin pjesë ortakët me të drejtë vote që zoterojnë më shumë se 30% të kapitalit të shoqërisë.

12.2 Në rastin e marrjes së vendimeve që kërkojnë një shumicë të kualifikuar, asambleja e ortakëve mund të marrë vendime të vlefshme, vetëm nëse marrin pjesë ortakët me të drejtë vote që zoterojnë më shumë se 50% të kapitalit të shoqërisë.

12.3 Asambleja e shoqërisë, vendos me 75% të kapitalit pjesëmarrës (të përfaqësuar nga ortakët), siç parashikohet në pikën 12.2 më sipër, për ndryshimin e statutit, zmadhimin dhe zvogëlimin e kapitalit, shpërndarjen e fitimeve, riorganizimin dhe prishjen e shoqërisë. Në rastet e tjera, asambleja e shoqërisë, vendos me më shumë se 50% të votave të ortakëve pjesëmarrës në mbledhje.


12.4 Të gjitha vendimet e Asamblesë duhet të regjistrohen në një procesverbal, ku shënohet data, vendi, rendi i ditës, emri i drejtuesit të mbledhjes dhe mbajtësit të procesverbalit, çështjet kryesore dhe vendimet e marra. Prosesverbalini nënshkruhet nga mbajtësi i procesverbalit.

Neni 13 Administratori

13.1 Administratori emërohet për një mandat 3 (tre) vjeçar. Administratori zëvendësohet ose shkarkohet nga kjo detyrë me vendim të Asamblesë së ortakëve. Mandati është i rinovueshëm.

13.2 Shoqëria drejtohet nga 1 administrator, i cili është:

❖ **Z. Sention Zotaj**, shtetas shqiptar, lindur në Berat, më datë 06.08.1984, me kartë identiteti me nr. personal I40806048E.



13.3 Administratori, ndër të tjera, ka të drejtë: të drejtojë veprimitaripë e përditshme të shoqërisë, të përfaqësojë shoqërinë në marrëdhënie me të tretë, të paraqesë para Asamblesë së ortakëve propozime dhe raporte lidhur me aktivitetin e shoqërisë, të çelë

Ilogari bankare në emër të shoqërisë, si dhe të drejta të tjera të cilat mund t'i njihen nga ligji dhe Asambleja e ortakëve.

13.4 Administratori, bazuar në një vendim të asamblesë së ortakëve, mund të emërojë drejtore, përfaqësues me prokurë dhe të mandatuar të përgjithshëm për veprime të caktuara ose kategori veprimesh.

13.5 Administratori i shoqërisë nuk mund të shesë dhe/ose blejë pasuri të paluajtshme në emër dhe për Ilogari të shoqërisë, pa marrë më parë miratimin paraprak me shkrim të asamblesë së ortakëve.

Neni 14
Kontrolli financiar

14.1 Asambleja e Ortakëve mund të emërojë një apo disa ekspertë kontabël të cilët kanë detyrën të kryejnë kontrollin kontabël dhe financiar të shoqërisë.

Neni 15
Viti financiar

15.1 Viti financiar i Shoqërisë përputhet me vitin kalendarik, duke filluar nga 1 Janari dhe përfundon më 31 Dhjetor të çdo viti.

15.2 Si përjashtim, viti i parë financiar i veprimitarisë së Shoqërisë fillon nga data e regjistrimit të saj në Regjistrin Tregtar të Qendrës Kombëtare të Regjistrimit.

Neni 16
Bilanci dhe Dividendët

16.1 Në fund të vitit ushtrimor, administratori, merr masa për përgatitjen e bilancit. Bilanci u paraqitet ortakëve për miratim, brenda afateve ligjore.

16.2 Asambleja e ortakëve që miraton bilancin vjetor, vendos mbi shpërndarjen e fitimit ortakëve ose krijimin e rezervave si dhe krijimin e rezervave ligjore.

Neni 17
Likuidimi dhe prishja

17.1 Likuidimi dhe prishja e Shoqërisë vendoset dhe kryhet në përputhje me kërkesat ligjore.

Neni 18
Dispozita mbyllëse

18.1 Ky Statut hartohet në dy ekzemplarë në gjuhën shqipe, me fuqi të njëjtë ligjore.

ORTAKËT

Fatmir Mediu

Datë 29.07.2020

Statuti i shoqërisë "EM Consulting's" SHPK

Faqe 7

Even Mediu
